

INUIT ATAQATIGIIT

INATSISARTUNI



UPA16/40-141

19. april 2016

Hans Aronen

Imm. 40

Nunatta pissarititaanik qimminut uumasuutinullu allanut nerisassianik, pisortanit namminersortunillu pigineqataaffiusumik tunisassiorneq, imminut akilersinnaasumik ingerlanneqarsinnaanersoq paasiniarlugu, Naalakkersuisut Upernaakkut Ataatsimiinnermi 2017-mi agguassassamik nalunaarusiornissaannik peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Peter Olsen, Inuit Ataqatigiit)

Imm. 141

Qimminut nerukkaatissiorfimmik nunatsinni pilersitsisoqarsinnaaneranut iluaqutissartai ajoqutissartaalu pillugit Naalakkersuisut UPA2017-imut nalunaarusiamik suliniuteqaqqullugit inatsisartut aalajangiiffigisassaattut siunnersuut. Tamatumani aningaasaqarnikkut piumasaqaatinngortussat tunisassiorissamullu tunngasut ilanngullugit.

(Inatsisartunut ilaasortaq Anthon Frederiksen, Partii Naleraq)

Inuit Ataqatigiinni inatsisartunut ilaasortaaqaterput Peter Preben Olsen qimminut uumasuutinullu allanut nerukkaatissiuernissamik aammalu Anthon Frederiksen Kattusseqatigiit qimminut nerukkaatissanik imminut pilersulernissarpot siunertalarugu naalakkersuisut nalunaarusiornissaanik kissaateqarlutik siunnersuutaannut ilassilluarlugit imatut oqaaseqassaagut.

Nunatsinni Imminut pilersorneq pillugu inerisaassangaanni suut pisariaqartinnerlugit qanorlu atussanerlugit misissuilluarnissaq pingaarteqarluinnarpoq, pingaartumik nunatut namminiilivinnissamik takorluungaqartutut aningaasarsiornikkut kaaviliaartitsinikkullu nukittuffigisinnaasagut eqqarsaatingalugit.

Siunnersutigineqartummi piviusumik tunngaveqarluni qaqpinqeqartut, assersuutitsialattut isigineqassangillat piviusumillu anguniangaqarnerusut isumaqatigiissutigisariaqarpagut. Inuit Ataqatigiinni illu siunnersutigineqartut anguniagassamik ajunngilluinnartumik tikkuussisut soqutigilluinpapagut. Siunnersutigineqartullu tamarmik nalunaarusiortitsinissami peqataatinneqarnissaat matumani pingartinneqartariaqarpoq.

Soorlu siunnersutigineqartut qimminut aammalu uumasuutinik allanik nerukkaatissiorluni tunisassiorneq takorlooraat piviusutullu isigalugu. Taamaalluinnarpormi soqutiginarporli sinerissami sumiiffit aalisarfiusut piniarfiusullu suliffissuaqarfiusullu nerukkaatissiorfinnik pilersitsiffiusinnaasut aamma misissorneqartariaqarpoq.

Soorlumi Ilulissani fiskemeliorneq aamma ingerlanneqarsimasoq. Fiskemelit taavanngaanniit suliarineqartut savanut nerukkaatiminut ilanngussisuni maluginiarneqarsimasoq savaaqqat marluliaasartut amerleriarsimasut. Aamma qimmillit uangalumi nerukkaatitut imilerlugit iluarisimaarluaringut.

Sinerissami suliffissuit tunisassiorfiit eqqangassaminnik atorluarneqarsinnaanerat misissorneqartariaqarlutik nalunaarusiassamut ilanngutsinnejqarsinnaasariaqarpot. Naalakkersuisunut nalunaarusiortitsinissamik suliakkerneqarneranni siunnersuutit taperserlugit inuussutissarsiornermut ataatsimoortillugit ingerlanneqartussaq innersuupparput.